

litteras hujusmodi insculptas habentes, plurimos invenias.

HIC FVIT VICTOR HARALDVS.

*Cause.* Magis ad Septentriones *Cause* castrum sedet, quod Petri *Corbett* Baronia fuit, à quo ad *Stafford* diæ Barones devenit: & antiquissimum *Routon* huic vicinum ad Occiduum agri terminum non procul à *Sabrina*, quod olim ad *Corbetos*, nunc ad antiquam *Liferorum* familiam spectat. Antea vero fuit *Ioannis Le Strange de Knocking*, in cujus invidiam *Leolinus Walliæ* princeps solo æquavit, ut legitur in vita *Fulconis Fitz-Guarini* Romano etiam sæculo eodem nomine floruit *Antonino RVTVNIVM* dictum, nec in hoc falsi esse possumus, quandoquidem & nomen & distantia, quam ille à *Vriconio* notissimo oppido ponit, exactissime convenient. Huic vicina sunt *Abberbury* castrum, & *VVatlesbury*, quod à *Corbettis* ad nobilem & Equestrem familiam *Leightonorum* devenit. Nomen vero accepisse videtur à *Consulari* illa, & Regia via *VVatling street*, quæ hac in extremam *Walliam* duxit, ut author est *Ranulphus Cestrensis*, per duo oppidula, quæ à strata illa publica *Strettons* nuncupata, inter quæ in convalle rudera etiamnum extant castri vetusti, quod *Brocardi castrum* dictum, & viridantibus pratis, quæ olim fuere piscine, circumsitum. Verum hæc castra, & alia, quæ enumerare vix possum, non belli furore, sed securo pace & labentibus annis jam tandem evicta, magna ex parte collabascunt.

Nunc flumine transmissio *Cis-Sabrinam* partem adeamus, quam *CORNAVIVM* propriam fuisse diximus. Hanc rursus in duas quodammodo partes à Septentrione in Meridiem defluens dividit *Terna* fluvius, sic dictus, quod è lacu diffusiore (cujusmodi nostra lingua *Tearnes* vocamus) inter *Staffordienfes* promanat. In harum citeriori sive Orientali parte, ubi *Sabrina* *Terna* consociatur, *VRICONIVM* fuit, sic *Antonino* vocatur, quæ *Ptolemæo VIROCONIVM*, *Ninnio Caer Vruach*, Anglo-Saxonibus *Wreken-ceaster*, nobis *VVreckceter*, & *VVroxceter* dicitur. Urbs *CORNAVIVM* præcipua, à Romanis, ut videtur, condita, cum hanc *Sabrina* ripam munit ubi fl. vadofum, ut non alibi inferius, ostium versum. Sed hoc Saxonico bello laceratum, *Danico* profus concidit, jamque rusticorum viculus est pertenuis, & Romanos nummos vetustatis suæ quasi testes sæpe aratoribus exhibet. Præter paucula mœnium fragmenta (*The old worke of VVroxceter* vulgo indignant) nihil hic vidimus, quæ è saxo structili, septemplici Britannicorum ordine exterius distincta, interius arcuato opere extructa fuerunt. Eo loci ubi hæc extant, castrum fuisse ex soli inæqualitate, aggeribus, & hinc inde mœnium rudibus suspicamur. Vbi urbis fuit area & ea satis quidem ampla, solum magis quam alibi nigrescit, & laudatissimum hoc tractu hordeum affatim profundit. Sub hanc via illorum Romanorum militaris nota nomine *VVatling-street*, vel per vadum, vel per pontem, cujus fundamenta paulo superius nuper detecta cum sepimentum piscatorium (*a weare* vocant) in fl. locarent, ad *Srattons* id est oppida ad *stratam*, de quibus modo diximus, recta duxisse accepimus, verum

*Britanni a.*

aggere minime apparente. Hujus *VIROCONII* nomen antiquum expressius se in monte proximo ostendit *VVrekenhill* dicto, *Gilberti montem* alii vocant, è cujus vertice, qui in amantissimam procumbit planitiem, gratissimus in subjectam regionem undique patet prospectus. Longe hic collis procurrit arboribus convestitus, sub eo vero qua *Sabrina* volvitur apud *Buldeyas*, vulgo *Bildas*, monasterium celebre floruit sepultura olim inclytæ familiæ *Burnellorum*, qui patroni fuerunt. Superius mansio est à situ ad publicam *Stratam*, sive militarem viam, *VVatlingstreet* dominata. Iuxtaque videntur reliquiæ castri *Dalaley*, quod proscripso *Richardo Comite Arundeliæ*, *Principatui Cestriæ* quem erexerat, adjunxit *Parlamentaria* autoritate *Rex Richardus Secundus*. Nec procul à radicibus hujus montis in convalle devexa, ad Militarem illam Romanorum viam *Okenyate* viculus copiosa carbonum fossilium vena bene cognitus subsidet, eadem distantia qua *VSOCONAM* cum à *VRICONIO*, tum à *PENNOCRVIO* sejungit *Antoninus*, ut hanc *Okenyate* illam fuisse *VSOCONAM*, non est cuiuspiam dubitet. Nec abnuit ipsum nomen, hæc enim dictio *is*, quæ *Britannis* inferius sonat, ad inferiorem ejus situm designandum adjuncta videatur. Ex altera parte sub hoc colle *Charleton* castrum cernitur, olim *Charletonorum*, qui *Powisiæ* erant Domini, & magis ad Ortum proxime *Staffordienfes Tongcastle*, olim *Toang*, quod *Vernonii* non ita pridem instaurarunt, uti etiam collegium in oppido, quod *Penbrigii* primi, ut legi, fundarunt. Nec quicquam hic magis ostentant incolæ quam campanam ob magnitudinem tota viciniæ celeberrimam. Huic adjacet *Albrighton*, regnante *Edwardo Primo Radulphi de Pichford*, nunc vero *Talbotorum* fedes, qui è familia Comitum *Salopiæ* sunt oriundi.

Ultra *Ternam* fl. in ipsius ripa *Draiton* jacet, ubi in æstu civilium bellorum inter familiam *Lancastrensem* & *Eboracensem*, prælium nobilibus agri *Cestrensis* admodum funestum commissum erat. Illi enim, quamvis æquo fere Marte discessum fuerit, cum discordibus animis ab utraque parte starent, confertissime ceciderunt. Infra *Terna* satis vicinum *Hodnet*, quod olim incolæ ejusdem nominis nobiles habuit à quibus hæreditario per *Ludleios* ad *Vernonos* pervenit. Tenebatur olim de *Honore de Montgomery*, per servitium esse *Seneschallus Honoris ejusdem*. *Terna* deinde paucis affusus rusticis viculis *Rodenam* fluviolum in se admittit, & pauca emensus milliaria prope *VRICONIVM*, quod modo dixi, in *Sabrinam* immergitur. Ad hunc *Rodan*, dum adhuc recens à fontibus, *VVem* sedet, ubi inchoati olim castri ostenduntur indicia. Baronia hæc fuit primis *Normannorum* temporibus *Guilielmi Pantulphi*, à cujus posteris ad *Butleros* tandem devenit, ab illis vero per *Ferrers de Ousley*, & Barones de *Greyfroke*, ad Barones *Dacre de Gillesland*. Hinc parum abest nemoroso in colle seu potius rupe quæ *Radcliffe* quondam appellata, situ suspiciendo castellum à rufescente saxo *Redcastle* & *Normannis Castle* Rous dictum, olim *Audleiorum* sedes ex *Matildis Extraneæ*, sive *Le-strange* beneficentia. Sed jam nihil nisi desolata supersunt mœnia. Vix mille

B b b b

hinc